

Gobierno a pone ex politico Antiyano na cabez pa represaya

Dictadura pa placa na Utilities ta cuestionable

*Segun financiamiento no por cambia comisaronan sin mas

* Pueblo dobla bao peso coriente y Gobierno ta exige 14 miyon

ORANJESTAD (AAN) - Na Venezuela oficialmente Chavez a anuncia cu ta un dictadura socialista ta bay goberna e pais y maneho dictatorial a bira realidad. Na Aruba, dictadura ta evidente y a pesar di e hecho cu Hulanda ta muestra cu Reino lo no sinta keto, e ansia pa placa ta forma un dictadura total. Pasobra Gobierno no a haya e 14 Miyon cu e tabata kier di Utilities N.V., den cual e companianan di utilidad ta uni, Gobierno a manda Director y Comisaronan cas. Informacion cu DIARIO tin ta indica, cu segun e debe di 20 Miyon Dollar cu a haci pa Elmar, no por tin cambio den e comisaronan di e compania.

Esun cu ta den caminda di Gobierno ora e kier haci uso di fondonan di Pueblo, ta den problema. Na Banco Central a demostra con por manda e Director, cu mester a scapa Florin, bay.

Awor na Utilities N.V., Gobierno a dicidi di manda e Director y e Comisaronan bay pasobra nan no a bay di acuerdo pa duna Gobierno 14 Miyon cu Gobierno kier a haya di placa cu tabata tin reserva pa e compania Elmar.

Mientras gastonan di cori-

ente di Pueblo ta sigui subi, gastamento di reservanan di e companianan di utilidad ta haci cu e compania ta haya su mes den necesidad ora cualquier situacion presenta di bay haci prestamo, mientras e tabata tin reserva, cu tabata tin su destinacion.

E otro forma pa e companianan cubri nan gasto ta si aumenta tarifa di awa y luz atrobe, loke lo bira un peso cu e Pueblo no por carga mas. Pasobra e Director y e Comisaronan no a bay di acuerdo cu loke Gobierno kier, el a dicidi di tuma represaya y e Director a worde reemplaza pa un ex politico di Antiyas, cu tabata hasta Ministro Plenipotenciario di e pais.

Personanan cu a worde

nombra como Comisario ta aparece den mayoria caso com simpatizantenan di Gobierno, manera hasta ex Ministro di MEP.

Si e hecho cu a bay reemplaza Director y Comisaronan ya ta un asunto serio, cu ta demostra cu ta bao dictadura Aruba ta biba, otro punto importante a worde poni na atencion di DIARIO.

Na aña 2002 un prestamo di 20 Miyon Dollar a worde duna na Elmar. Ministro Booshi Weyer dia 6 di Maart 2002, den su calidad di Ministro di Trafico y Comunicacion, a manda un carta na Utilities, den cual e ta bay di acuerdo cu pa motibo di e prestamo aki no ta haci cambio na gerencia ni comisaronan di Utilities

N.V., Elmar N.V. y WEB. E personanan nombra, lo a keda comisario.

Ademas a alarga e concesion di Elmar te 2010, y despues lo alargue mientras e debe ta dura.

Con por ta posibel awor cu pasobra Gobierno no por hinca man den caha di Utilities, e ta dicidi di manda Gerente y Comisaronan cas? E fechanan ta indica cu por lo pronto no a paga e debe.

E pregunta ta keda, kico ta pasa cu Pueblo si Gobierno kita 14 Miyon of hasta e 6 Miyon cu Utilities tabata dispuesto pa duna Gobierno como prestamo, for di e compania.

Kende lo mester percura pa proyectonan di e compania por worde cubri, no ta pregunta pa puntra mes. Pueblo probablemente lo paga e debe mientras atrobe ta surgi e pregunta cual instancia oficial ta bay investiga e decision di Gobierno.

TELEFONNAN DI DIARIO
582-6747- FAX 582-8551

E BIÑA SIN AWA!!



**BEST
DEAL**

Tel: 5827100

(Pariba di Aruba Bank, Paradera)

**Sintonisa
Tele Aruba
AWE**

**di 7.30 pm
pa 8.00 pm.
Programa
Special pa
BACK TO
SCHOOL**